



Pou Piblikasyon Imedya: 27/04/2023

GOUVÈNÈ KATHY HOCHUL

GOUVÈNÈ HOCHUL ANONSE TWA PWOJÈ TRANSFÒMATÈ SOU ENFRASTRIKTI ETA A KE YO ONORE POU EKSELANS NAN JENI

Pwojè Hunts Point, Interstate 390 ak Echanjè Kew Gardens resevwa prim rekonesans nasyonal nan American Council of Engineering Companies

Pwojè transfòmatè yo demonstre "ekselans jeni eksepsyonèl nan nivo nasyonal la"

Gouvènè Kathy Hochul te anonse jodi a ke Depatman Transpò (Department of Transportation, DOT) Eta a te sipèvize twa gwo pwojè American Council of Engineering Companies (Konsèy Ameriken pou Konpayi Jeni, ACEC) te onore pou ekselans yo nan jeni. Ekip jeni ak konsepsyon sektè prive ki dèyè Pwojè Amelyorasyon Aksè Hunts Point, Pwojè Echanjè Kew Gardens ak Pwojè Amelyorasyon Interstate 390/I-490 te genyen Prim Rekonesans Nasyonal nan konpetisyon Prim Ekselans Jeni 2023 ACEC a — ke yo rekonèt kòm "Prim Akademi nan endistri jeni a". Nan bay pri yo, gwoup komès jeni an te di pwojè transfòmatè yo, kote yo tout sipòte angajman Gouvènè Hochul pou l envesti nan enfrastrikti ki rekonekte kominote yo, ankouraje opòtinite, ranfòse kalite lavi ak demonstre "ekselans jeni eksepsyonèl nan nivo nasyonal la". Yo pral prezante prim yo fòmèlman nan gala kravat nwa gwoup la nan Washington, D.C. mwa jen sa a.

"Prim sa yo se yon validasyon misyon Eta New York pou konstwi enfrastrikti 21yèm syèk ki rekonekte ak ranfòse kominote yo pandan y ap amelyore kalite lavi ak pwoteje anviwònman an", **Gouvènè Hochul te deklare.** "Mwen remèsyé American Council of Engineering Companies paske yo rekonèt pwojè sa yo epi mwen felisite fanm ak gason ki devwe nan Depatman Transpò Eta New York la pou travay di yo ak devouman yo pou fè pwojè yo tounen yon reyalite".

Pwojè Hunts Point ki koute 1.7 milya dola a pral redui blokis, amelyore sekirite siklis ak pyeton epi bay aksè dirèk nan Mache Tèminal Hunts Point lan nan Bronx soti nan Bruckner Expressway la ak nouvo Sheridan Boulevard la. Mache a se youn nan pi gwo sant distribisyon vant an gwo nan mond lan. Plis pase 78,000 veyikil vwayaje nan Penensil Hunts Point lan chak jou, ki gen ladan 13,000 kamyon k ap itilize wout lokal yo, ki te kontribye nan move kalite lè nan kominote a. An desanm, Gouvènè Hochul te anonse twazyèm ak dènye faz pwojè a, ki gen ladan rekonstriksyon echanjè Bruckner

Expressway avèk Sheridan Boulevard ak rekonfigirasyon entèsekson Hunts Point Avenue ak Bruckner Boulevard pou amelyore sekirite pyeton ak siklis, te ankou.

Pwojè Amelyorasyon Echanjè I-390/I-490 ki koute 172.8 milyon dola nan Vil Gates, Konte Monroe, te repare oswa ranplase sèt pon, te kreye yon novo ranp soti ki konekte Interstate 390 ak Lyell Avenue, te konstui novo Vyadik I-390 nan direksyon sid la, epi fè plizyè amelyorasyon k ap fasilité deplasman, diminye blokis epi amelyore sekirite sou tout koridò vital sa pou sikilasyon moun ak komès nan zòn Rochester a. Gouvènè Hochul te anonse an novanm 2021 ke pwowjè a te fini yon mwa alavans epi selon bidjè a.

Pwojè Echanjè Kew Gardens 739 milyon dola nan Queens lan, ki te fini nan fen ane 2022, te refè youn nan kòridò nan zòn metropolis an ke yo plis frekante. Li te kreye tan vwayaj ki pi rapid, fizyon ak sòti ki pi an sekirite, ak koneksyon ki pi fyab pou plizyè santèn milye pasaje, vwayajè ak biznis lokal ki itilize li chak jou pou rive nan Ayewopò Entènasyonal John F. Kennedy ak lòt destinasyon kle yo toupatou rejyon an.

American Council of Engineering Companies reprezante plizyè milye konpayi epi li se vwa endistri jeni nan Washington, DC ak nan tout nasyon an. Avèk rasin ki gen plis pase 100 ane, ACEC se yon federasyon 51 konsèy eta ak rejonal ki reprezante plis pase 600,000 enjenyè, achitèk, jewomèt ak lòt espesyalis.

Dènyèman, ekip jeni ak konsepsyon ki dèyè Hunts Point, I-390/I-490 Interchange ak pwojè Kew Gardens yo te onore tou avèk Diamond Awards nan chapit ACEC NY la.

Komisè Depatman Transpò Eta New York la, Marie Therese Dominguez, te deklare, "Pwojè Echanjè Hunts Point, Kew Gardens ak Interstate 390/490 yo se kèk nan travay ki pi konplèks ak anbisye Depatman Transpò Eta New York la egzekite epi mwen kontan wè travay di ak devouman ekip talan nou yo ke ACEC rekonèt. Men, vrè gayan pwojè sa yo se populasyon Eta New York la. Avèk yon je sou enfrastrikti rezistan, dirab ki konekte kominate yo, pwojè sa yo, ki gaye nan Vil New York rive nan Rochester, pral mennen nan mwens blokis sou wout nou yo, lè pi pwòp, ak aksè ki pi an sekirite, ki pi fyab pou tout itilizatè gwo rezo transpò nou an".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)